

# D4 Šavořê bi dadesko taj bi dejako

Ando majo 1944 deportirisajle 35 Řomengê taj Sintongê šavořê, – save ašilesas bi dadesko taj bi dejako – kata St. Josefs-Waisenhaus Mulfingen ži ando Auschwitz- Birkenau. O St. Josefs-Waisenhaus sas jek khêngêrjako khêr, kaj khêngêrjakê žene dikhênas le šavořên, kaj ašilesas bi dadesko taj bi dejako. E khêngêri či kêrdja protesto kontra e deportacija čiti zumadja te skêpisarel le šavořên. Vuni šavořê anda lende služinas palal le doktorongê kata SS sar viktumur, kaj pe lende kêrenas medicinski eksperimentur. Kata l' 35 šavořê nakhle numa trin šavořê o genocido žuvindes.



1910

1951

1944

## 💡 Žanglen tumen

...kê but šavořê, kaj nas len či dad či dej taj šavořê, kaj sas pe gažengo grižimos taj save sas klasificirime sar „Zigeunerkinder“, fuladile kata peskê grižimaskê familije taj trade sas ande l' KZ-ura?

...kê le maj but šavořê či žanenas te sas von klasificirime sar “Zigeuner” aj butivar čiti prinžanenas kaća vorba?

## ✍ Tumari bući

Kadala šavořê šaj te dikhên vi pe 'k filmo ando interneto. Jek šejoři anda lende sî e Amalie Schaich. Roden maj but informacija pa late!

## 📷 Paj fotografija

Šavořê kata Sintongê familije ande St. Josefs-Waisenhaus Mulfingen po grižimos kata l' mênêstiroškê pheja kata St. Josef. Dokumentationszentrum deutscher Sinti und Roma/Heidelberg/ Deutschland.



<https://www.romasintigenocide.eu/kalderasch/d>